



Broj: 04-GV-04-1023/21
Sarajevo, 15.09.2021. godine

*ZAPISNIK O RADU
PETE SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 15.09.2021. godine*

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Danijela Šahat, članica
4. Marijela Hašimbegović, članica
5. Salih Išerić, član
6. Sandra Toskić, član
7. Fikret Jakupović, član

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Zinaida Beširević, šef Odjeljenja za stručne poslove

Sjednici po ovlaštenju Gradonačelnice prisustvuje:

- Merima Arifhodžić, pomoćnica Gradonačelnice za urbano planiranje, investicije, stambene i komunalne poslove
- Arijana Musić, ispred Gradske službe za urbano planiranje, investicije, stambene i komunalne poslove
- Selma Bećiragić, ispred Gradske službe za urbano planiranje, investicije, stambene i komunalne poslove

Predsjedavajuća Odbora je otvorila sjednicu u 15.05 sati, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Četvrte sjednice Odbora za urbanizam i upotrebu lokalnog zemljišta Gradskog vijeća Grada Sarajeva održane 16.07.2021.

Na prijedlog predsjedavajuće, jednoglasno je usvojen sljedeći **dnevni red**:

1. Prijedlog Plana rada Grada Sarajeva za 2021. godinu
2. Predlaganje tema za izradu Nacrta Programa rada Gradskog vijeća Grada Sarajeva za 2022. godinu
3. Tekuća pitanja

TAČKA 1.

Prijedlog Plana rada Grada Sarajeva za 2021. godinu

Uvodno izlaganje podnijela je Merima Arifhodžić, pomoćnica Gradonačelnice za urbano planiranje, investicije, stambene i komunalne poslove.



Ismir Smajić, član Odbora je postavio pitanja vezano za projekte biciklističke staze na području Općine Novi Grad na lokaciji VI transverzale, objekta Vidikovac, Bistričke stanice, Muzeja Vijećnica, Astro parka Trebević, izrade kanalizacionog sistema na Trebeviću, Parka Vraca, šetnice na potezu od mosta Čobanija do mosta Ćumurija, defekalizacije rijeke Miljacke, podizanje spomen ploče na Kazanima i zatvaranje dijela terase “Olimpijskog bazena Otoka”, te uputio sugestiju da se navede tačan naziv ministarstva, tako da glasi Ministarstvo komunalne privrede, infrastrukture, prostornog uređenja, građenja i zaštite okoliša i da se u Projektu kanalizacija Trebević umjesto ekološki navede okolišni i higijensko epidemiološki problem.

Član Odbora Fikret Jakupović pristupio sjednici u 15.11 sati.

Merima Arifhodžić, Arijana Musić i Selma Bećiragić, dale su odgovore na postavljena pitanja.

Ismir Smajić, zamjenik Predsjedavajuće Odbora je predložio da se Plan dopuni sa više podataka u dijelu koji se odnosi na projekat šetnica od mosta Čobanija do mosta Ćumurija. Također je postavio pitanje vezano za ventilacione koridore.

Odgovor na postavljeno pitanje vezano za ventilacione koridore dala je Arijana Musić, ispred Gradske službe za urbano planiranje, investicije, stambene i komunalne poslove.

Aida Koluder Agić, predsjedavajuća Odbora je postavila pitanja vezano za donošenje elaborata, i to: Elaborat o izradi slobodnostojećih reklamnih panoa i slobodnostojećih displeja na javnim površinama, Elaborat – lokacije za slobodnostojeće otvorene bašte i Elaborat – lokacija za postavljanje kioska, te insistirala na njihovom donošenju.

Odgovor na postavljeno pitanje vezano za donošenje elaborata dala je Arijana Musić, ispred Gradske službe za urbano planiranje, investicije, stambene i komunalne poslove.

Aida Koluder Agić, predsjedavajuća Odbora je predložila da se Plan rada Grada Sarajeva za 2021. godinu dopuni u dijelu koji se odnosi na česme i fontane sa nazivima česmi i fontana, te kartom sa lokacijama česmi i fontana.

Poslije uvodnog izlaganja i rasprave, na prijedlog predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeće **zaključke**:

1. Odbor za urbanizam i upotrebu lokalnog zemljišta sugeriše Gradonačelnici da se Plan rada Grada Sarajeva za 2021. godinu dopuni sa više informacija o šetnici od mosta Čobanija do mosta Ćumurija.
2. Odbor za urbanizam i upotrebu lokalnog zemljišta sugeriše Gradonačelnici da se Plan rada Grada Sarajeva za 2021. godinu dopuni u dijelu koji se odnosi na česme i fontane sa nazivima česmi i fontana i kartom sa lokacijama česmi i fontana.
3. Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Plan rada Grada Sarajeva za 2021. godinu*, kako je predložen uz uvažavanje zaključaka 1. i 2.

Poslije rasprave, na prijedlog predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta insistira na izradi i donošenju Elaborata o izradi slobodnostojećih reklamnih panoa i slobodnostojećih displeja na javnim površinama, Elaborat – lokacije za slobodnostojeće otvorene bašte i Elaborat – lokacija za postavljanje kioska, koji su navedeni u Planu rada Grada Sarajeva za 2021. godinu.

TAČKA 2.

Predlaganje tema za izradu Nacrta Programa rada Gradskog vijeća Grada Sarajeva za 2022. godinu

Poslije uvodnog izlaganja i rasprave, na prijedlog predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta konstatuje da na ovoj sjednici nema prijedloga tema za Nacrt Programa rada Gradskog vijeća za 2022. godinu, te će eventualne prijedloge iznijeti prilikom razmatranja Nacrta Programa rada Gradskog vijeća Sarajeva za 2022. godinu.

TAČKA 3.

Tekuća pitanja

Pod ovom tačkom dnevnog reda vođena je rasprava vezano za Regulatorni plan “Brdo Hrasno”.

Arijana Musić, ispred Gradske službe za urbano planiranje, investicije, stambene i komunalne poslove je upoznala članove Odbora da je dostavljen stav Općine Novo Sarajevo Gradu Sarajevu i Zavodu za planiranje razvoja Kantona Sarajevo da se nastave aktivnosti na izradi Plana, te da se odbacuju zaključci savjeta mjesnih zajednica, obzirom da je donošenje Plana bilo zaustavljeno upravo radi zaključaka savjeta mjesnih zajednica.

Danijela Šahat i Marijela Hašimbegović, članice Odbora su upoznale članove Odbora o aktivnostima koje su poduzele vezano za Regulatorni plan “Brdo Hrasno”.

Marijela Hašimbegović, članica Odbora je upoznala članove Odbora da Općina Novo Sarajevo planira održavanje tematske sjednice vezane za regulacione planove, o čemu će upoznati članove Odbora. Također je upoznala članove Odbora da je u nadležnoj službi Općine Novo Sarajevo obavila razgovore vezano za donošenje Regulatornog plana “Brdo Hrasno” i izvršila uvid u dokumentaciju, te izrazila mišljenje da je sve što je bilo konstruktivno i objektivno uvršteno u Regulatorni plan.

Danijela Šahat, članica Odbora je upoznala članove Odbora da je kontaktirala sekretara mjesne zajednice kako bi pokušala da dogovori termin za sastanak sa građanima, te da će naredne sedmice imati informaciju o terminu, odnosno da li su građani zainteresovani da se sastanak održi, a o čemu će obavijestiti i članove Odbora ukoliko žele da sastanku prisustvuju.

PREDSJEDAVALA ODBORA

Aida Koluder-Agić, s.r.

Predsjedavajuća Odbora je u 16.40 sati zaključila rad Pete sjednice Odbora za urbanizam i upotrebu lokalnog zemljišta Gradskog vijeća Grada Sarajeva.